



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

45. An vacet ob contractum nulliter ex defectu ætatis.

[urn:nbn:de:hbz:466:1-74494](#)

Sectio I. Caput I.

menta illius doctrinæ n. 80. & seq. dum ait primò n. 80. pœnam illam amissionis beneficij jure non pendere neque à tacitâ illâ renunciatione, neq; ex incompatibilitate ex statu contrario statui beneficiâl validè impresso, sed ab attentatione talis statûs, & productione talis statûs ad aliquod esse de facto; dum enim matrimonium non declaratur nullum, etiam si exstaret impedimentum Canonicum, quia tamen haberet consensum, in quo confisit tota ejus formalitas seu forma, tenet mero jure, & inducit publicam honestatem. Dum secundò ait n. 80. & 81. non urgere, quod dicitur, nullum reperiri textum inducentem hanc amissionem ipso jure, & pœnalia non esse extendenda; nam advertendum, rationem textûs in c. 1. de Cleric. conjugat, non fundari super alio, quæ super incongruentia facti respectu statûs, quæ tam est in matrimonio de facto, quæ in matrimonio de jure; modò appareat de ejus formalitate ex consensu. Et pœnam ibi inducunt non respicere aliud, quæ injuriatum statui Clericali illatam: quin & ipsi Papæ per actum illum statui Clericali contrarium, ut ex textu dicto notat Cardin. in c. Joannes. n. 9. atque ita pœnam hanc non extendi à casu ad casum; cum militet semper eadem punitionis ratio (ubi autem viget eadem ratio, non dicitur casus comprehensus per extensionem, sed per intentionem. Lott. n. 83. juxta l. jura. ff. de LL. l. s. liberum. c. de nuptiis &c.) ac propterea non attendi validitatem vel invaliditatem matrimonii, dum legislator magis consideravit factum, ex quo coniugir delictum, quæ juris effectum, ut Cardin. in Clem. I. n. 2. de consang. & affin. & Felic. in c. ex tenore. n. 9. de rescrip. quin & (quod etiam directè oppugnat videtur doctrinam Garciam, & aliorum, censent ignoranter bonâ fide contraheant nulliter non privari ipso jure) Ecclesia (quæ alias de occultis seu internis non judicat) ex eo actu adversante statui Clericali censet Clericum habere beneficium pro derelicto, & ideo illum tanquam trans fugam dicta pœna punit; licet enim conjugium possit esse honestum (idem est, dum nulliter contractum sine culpa ab insciente) electionem tamen meliorem deseruisse, transgressio est, ut inquit textus in c. 120. q. 3. Lott. n. 84. & 85.

4. Porro hic notandum, quod eti plures & communis adhærent huic doctrinæ; nimirum vacare ipso jure beneficia ob matrimonium nulliter contractum, sive scienter sive inscienter; aliqui tamen eorum expectandam dicunt sententiam declaratoriam facti, nisi factum sit adeò notorium, ut non effet expectanda declaratio. sic sentit S. Felicius deis. 15. apud Tond. p. 2. c. 5. §. 5. n. 22. ubi etiam n. 24. obseruat idem Tond. pariter ipso jure amitti quoque pensiones ob matrimonium nulliter contractum ob alium, quæ defectum consensus. Nunc ergo relinquendo, vel potius præscindendo ab illa doctrina Castrop. & Sanch. & supponendo tantisper hanc Lotterii doctrinam, aliorumque, hinc inde tamen eam variè modificantium, juxta illam respondendum in particula-ri, quare sit

Questio 44. An vacet beneficium ob matrimonium contractum nulliter ex defectu consensus?

1. Respondeo primò: si defectus consensus sit ex parte ipsius beneficiati, ob ejus v. g. amentiam, vel vim, aut etiam metum cadentem

in virum constantem, non vacant ejus beneficia nec ipso jure, nec per sententiam; quia nec matrimonium verè assumptum, nec verè attentavit afflumere. Lott. loc. cit. n. 75. Barb. loc. cit. n. 18. Garc. p. 11. c. 8. n. 10. Sanch. loc. cit. d. 43. n. 7. Castrop. loc. cit. n. 12. Et est communis omnium; tam qui sequuntur doctrinam illam alia generalem Sanch. quam qui contrariam sectantur viam.

2. Respondeo secundò: si defectus ille consensus sit ex parte beneficiarii, utopte fictè & simulatè solum consentientis, vacant ipso jure ejus beneficia, ob attentatum matrimonium. Castrop. cit. n. 12. ex sententia & juxta doctrinam aliorum illorum auctorum, eti ipse, ut vidimus, sentiat contrarium.

3. Respondeo tertiod: si defectus consensus est ex parte mulieris, sive illa vi & metu compulsa, vel etiam alias fictè contrahat, vel etiam ob amenitatem similem impedimentum consensum liberum præbere nequeat, beneficiarius amittit ipso jure beneficium; & quia undecunque demum ortus ille defectus consensus in muliere, ex parte Clerici de facto est matrimonium attentatum, & quidem culpabiliter, dum istum defectum scit Clericus. Castrop. cit. n. 12. ex mente aliorum illorum Auctorum. Azor. p. 2. l. 7. c. 16. q. 6. & id quidem formius ad doctrinam illam generalem Lott. contra Garciam, qui quidem admittit prius, dum nimis deest consensus ille ob vim vel metum: & n. 12. citat pro hoc Sayr. decens. l. 6. c. 5. n. 13. Gigas de pens. q. 54. n. 10. Diaz &c. negat tamen n. 11. de altero; dum nimis deest consensus deficit ob amenitatem, et quod hoc sit perinde ac contrahere cum imagine aut dormiente, & citat pro hoc Gigas ubi ante. Roffiniac. de benef. c. 3. contra Sayr. Azor & alios. Porro notandum hic ex Tond. p. 2. c. 5. §. 2. n. 18. in fine; quod eti consensus hic deficit, quando quis ex metu, aut non habens intellectum, contrahit, non tamen censetur defecisse, dum re vera præstitus est; lex tamen illum annulat.

Questio 45. An vacet beneficium ob matrimonium contractum nulliter ex defectu atatis, eo quod uterque, vel alteruter sit im- pubes, neque malitia supplet intellectum, neque ut addit Azor, sicut proximi puberati, qualis censetur, qui dislat solum 6. men-sibus à puberte?

R Espondeo: stante etiam de cetero sententiâ illâ Lotterii, si Clericus, esto, ipse sit pubes, contrahat, sive scienter, sive inscienter, cum impubere, etiam non securâ copulâ, ut expressè addit Garc, non videtur adhuc ipso jure amittere beneficium, et quod talis contractus, eriam celebratus per verba de praesenti, ex juris interpretatione resolvatur in sponsalia de futuro, juxta c. uniu. de sponsal. impub. in 6. omnes autem sentiant per sponsalia de futuro non vacare beneficium (& ut Castrop. licet diceretur matrimonium attentatum, dicta tamen vacatio non inducatur ob quancunque attentationem, sed ob attentationem nullam inducentem obligationem) Castrop. loc. cit. n. 15. Azor. p. 2. l. 7. c. 16. q. 15. Garc. loc. cit. n. 20. & 21. citans super Diaz. in pract. crimin. c. 80. n. 6. Covar. 4. decretal. p. 2. c. 6. §. 3. n. 4. Juli. Clar. pract. l. 5. q. 73. n. 3. &c. contra Rotam. decis. 1. de sponsal. in antiqu. Staph. de lit. grat. tit. de var. mod. rae. modo. 5. num. 9. Maudos. de estate minori. Decia. 47. c. 22

I. 7. c. 22. n. 7. citatos à Castrop. item contra alios limitatiū aliquantō procedentes, dum volunt perdi beneficium ipso jure, si Clericus sit pubes, se-
cūs si is sit impubes; vel etiam, si is scienter contra-
xit cum impubere, secūs si inscienter.

Quæstio 46. An vacet beneficium ob ma-
trimonium contractum nulliter ex defectu
formæ requisita à Trid. nempe sine parocho
legitimo aut testibus?

REspondeo: conformis & magis consequenter ad sententiam illam Lotterii dici vacare be-
neficium ipso jure; matrimonium siquidem con-
tractum cum impedimento, dirimente eatenus pri-
vat ipso beneficio, quatenus contrahens attentavit
ipso facto statum incompatibilem afflumere;
hac autem eadem ratio militat, dum matrimonium
est nullum ex defectu hujus formæ requisita. Ca-
strop. loc. cit. n. 13. contra Garc. loc. cit. n. 15. inni-
tentem huic fundamento; quod ex actu nullo pro-
pter defectum formæ, seu solennitatis non incurra-
tur poena, ut Sanch. de matrim. l. 3. d. 2. n. 8. & non
adhibetur formæ requisita perinde sit, ac si actus non
fieret; & citantem pro se Sanch. loc. cit. d. 48. n. 8.
Ledesm. de matrim. q. 55. num. 9. dub. 4. Rodriq. in-
sum. c. 30. nu. 9. Vegam. p. 1. c. 36. casu 20. ad quar-
tum &c.

Quæstio 47. An vacet beneficium ob ma-
trimonium contractum nulliter, quia benefi-
ciatus erat in ordinibus sacris?

REspondeo: magis consequenter dici vacare ip-
so jure propterea beneficium; ed quod sicut li-
gati alio impedimento dirimente, v.g. consanguini-
tatis, affinitatis, sint aquæ inhabiles ad contra-
hendum, quæm constitutus in ordinibus sacris, &
tamen incurrit dictam poenam. Castrop. loc. cit.
Azor. p. 2. l. 7. c. 16. q. 5. citans Covar. de matrim.
p. 2. c. 6. §. 3. n. 4. Staph. de lit. grat. tit. de var. mod.
vac. modo 5. nu. 8. Cuch. in institut. majorib. l. 4. tit.
12. n. 215. Roffiniac. Anch. & alios, quos citat
Garc. loc. cit. n. 18. contra Leff. de justitia. l. 2. c. 34.
n. 115. qui hanc dat rationem; quod matrimonium
illud sit irritum, & talis compellendus manere in
suo ordine sucepto; unde non conveniat, ut ipso
facto sit privatus, ne forte cogatur mendicare. sed
hac ratio firma non est; quia habet etiam locum in
privando per sententiam. Item contra Barb. l. 3.
juris Eccles. c. 14. n. 16. citantem pro hoc Sanch.
de matrim. l. 7. d. 42. n. 4. Filiuc. tr. 41. c. 8. n. 6. &c.
item contra Garc. loc. cit. n. 17. infistenteum funda-
mento jam refutato, quod talis sit omnino inha-
bilis ad contrahendum, adeoque solum veniat pri-
vandus per sententiam; ac citantem insuper pro
hoc gl. fin. Imol. in c. 1. de cleric. conjugatis. Enri-
quez. in sum. l. 7. c. 36. §. 1. Maſcard. concl. 182. n. 5.
& 6. qui etiam dicat esse communio rem, Sayrum
Nav. Lopez. &c.

Quæstio 48. An ex consensu & auclorita-
te Episcopi sacerdos possit redire ad benefi-
cium, postquam doluit de matrimonio à se
nulliter contracto?

REsponder Azor. p. 2. l. 7. c. 16. q. 8. affirmati-
ve; ed quod in c. sanè de Cleric. conjug. con-
cedatur Episcopo, ut juris rigorem hac in parte re-
laxare valeat è conditione; si clericus longam po-

nientiam egerit & laudabilem vitam: verum id intelligendum de alio beneficio; beneficium si-
quidem quod is amisit, dum diu vacare non deberet,
usque dum is longam pœnitentiam agat; vel certe
denuo vacaret possessore intermedio defuncto; aut
etiam si adhuc à prima vacatione pergeret vacare.
Intelligendum tamen non est, quod illud denuo
possit adire, etiam post actam pœnitentiam sine
nova collatione, juxta dicta supra.

Quæstio 49. An, & quid probandum im-
petranti beneficium vacans ob contractum
matrimonium?

1. Respondeo primò: debet probare factum
ipsum matrimonii contracti formaliter per
verba de præsenti; adeoque non sufficit probare
sponsalia. Lott. l. 3. q. 26. n. 73. non tamen tene-
tur probare subsecutam copulam; quia, ut dictum
etiam matrimonium non consummatum parit dictum
effectum amissionis beneficii.

2. Respondeo secundò: hoc ipsum factum ma-
trimonii debet probari indubitanter, ut ex eo in-
ducatur vacatio beneficii. Barb. Juris Eccles. l. 3. c. 14.
n. 8. ubi addit. hinc non sufficere, quod latra esset
sententia pro validitate matrimonii, si pender cau-
sa restitutionis in integrum: pro quo citat Calder.
decis. 180. n. 1. quod tamen credo non subsistere
in casu attentati matrimonii; sufficeret enim hanc
attentionem probari indubitanter, et si matri-
monium esset, & per sententiam declarareretur nul-
lum; idque consequenter dictis.

Quæstio 50. An, & qualiter vacet benefi-
cium per ingressum religionis?

1. Respondeo: per professionem religiosam
tacitam vel expressam beneficia in statu
seculari obtenta ipso jure vacant. Lott. l. 3.
q. 26. nu. 8. (ubi: quod quando obtainens in titu-
lum beneficium secularē efficitur religiosus, per
ingressum religionis inducitur vacatio ipso jure)
C. de Luca. de benef. d. 62. nu. 4. Castrop. loc. cit. p.
3. §. 7. n. 1. Garc. p. 11. c. 9. n. 1. Gouz. gl. 15. n. 45.
Barb. Juris Eccles. l. 3. c. 14. nu. 3. citatis quamplurimi-
mis iuxta c. beneficium deregularib. in 6. & ibi DD.
communiter: ex quo textu eti alio, ut Pavin. de
pot. cap. sed. vac. pralud. 7. n. 10. Staphil. de lit. grat.
tit. de var. mod. vac. modo 6. nu. 1. simplicem vaca-
tionem desumunt; rectius tamen inde deducitur
quod vacatio hæc inducatur ipso jure. Lott. loc. cit.
citans pro hoc Tholofan. de benef. c. 25. n. 18. Ro-
tam in Toletan. benef. 6. Iunii 1605. Ratio autem
hujus datur à Castrop. loc. cit. quia per profes-
sionem religiosam religiosus redditur incapax do-
minii, & habendi quid proprium. sic Lott. loc. cit.
n. 9. rationem hujus vacationis in incompatibili-
tate statu regularis cum ipso beneficio constituit.
Pari modo ipso jure vacant omnia jura ad benefi-
cia, & pensiones Ecclesiastica amittuntur. Card.
Luca loc. cit. n. 5. Castrop. loc. cit. citans Sanch. in
Decalog. c. 4. n. 5. & 15. Barb. loc. cit. & citati ab eo
pro primaria response.

2. Dixi primò: per professionem religiosam;
qualis quia non est, quam emittunt quorundam
ordinum militarium professi, puta equites S. Ja-
cobi Calatravæ, Alcantara &c. utpote qui reli-
gioſi non sunt, per hanc professionem non vacant
eorum beneficia & pensiones (vide tamen quæ
habet Garc. p. 7. c. 10. n. 9. ubi ex Hojeda; quod
com-